



REPUBLIKA E KOSOVËS  
REPUBLIC OF KOSOVO  
REPUBLIKA KOSOVA



KOMUNA E PEJËS / MUNICIPALITY OF PEJA / OPŠTINA PEĆ

**KUVENDI I KOMUNËS PEJË**

**I.Numër: 01-400/01-0112007**

**Pejë, datë: 27 Nëntor 2023.**

**PROCESVERBAL**

Nga takimi i **-X-** i rregulltë i Kuvendit Komunal Pejë, i mbajtur me: **27 nëntor 2023**, me fillim në orën 10:00 h.

Takimi u mbajt në sallën e Kuvendit të Komunës së Pejës.

Në takim prezantojnë: pos anëtarëve të kuvendit të komunës, kryetari i komunes z. Gazmend Muhaxheri, nënkryetari z. Fatmir Asllani; kryesuesi z. Rexhep Kurtbogaj; drejtorët e SHCK-së, z. Avni Gashi, udhëheqës i sektorit të kuvendit, zyrtare administrative znj. Donjeta Morina, asistenti i kryesuesit z. Egzon Kastrati: përfaqësues të ZIP-it, përfaqësuesit të OJQ-ve dhe përfaqësues të mediave të shkruara dhe elektronike.

Në vazhdim takimin e kryesoi; kryesuesi z. Rexhep Kurtbogaj, ku e hapi diskutimin për rendin e ditës dhe i sqaroi pikat të cilat janë vendosur në rend dite, pastaj konstatoj se janë 32 anëtarë prezent. Po ashtu kryesuesi informoj se ka ardhur një shkresë nga një zyrtare e Ministrisë, shkresë e cila ka ardhur te zyrja e kryetarit dhe zyrja e kuvendit të cilën e keni përpara jush dhe po i'a kaloj fjalën kryetarit për sqarim shtesë.

Kryetari Gazmend Muhaxheri: fjala është për ato problemet që po bëhen për këmbimin e pronave është përmendur zyrtarja e LDK-së, ka shkruar që ajo nuk merret me këto punë ka pas dezinformim nga ana e z. Berat Ganiqi, dhe është rendi me i kërku falje publike zonjës për informatën e gabuar.

Z. Berat Ganiqi: shkresën e pash, ka mujt me dërgu edhe tek unë mirëpo po dihet se në çfarë zyre është bërë kjo ankesë, nuk kam përmendur emër e mbiemra dhe unë falje nuk kërkoj.

Kryesusi Rexhep Kurtbogaj: . po ashtu informoj se janë dy kërkesa pika shtesë për rend dite 1). Informatë mbi gjëndjen e furnizimit të lëndëve djegëse nga institucionet arsimit shkollor. Për këtë pikë të rendit ditës po e qesim në votim, votojmë me ngritje dore.

Unanimishtë të gjithë anëtarët prezent janë pro, që kjo pikë ti bashkangjitet rendit të ditës.

Kryesusi Rexhep Kurtbogaj: pika 2 është propozim nga Lëvizja Vetvendosje për këtë seancë 2. Falja e tatimit në pronë në vlerë prej 100 euro, për secilin tatim pagues të Komunës së Pejës, drejtorin e kemi prezent mbasi që e kemi edhe një pikë në rend dite për normen tatimore për tatim pronë, kërkojmë nga drejtori të na sqaroj paraprakishtë që edhe anëtarët të jenë më të informuar edhe ndaj kësaj pike që është si propozim për rend dite nga subjekti LVV.

Z.Jeton Abazaj: si proces e dim që ka fillu ndryshim/plotësimi i ligjit nga Ministria e Financave, po ashtu me qellim nuk e kam vendos në tetor normen tatimore për arsye se e kam prit një vendim nga gjykata dhe në e kemi dërgu në KPF me dt 9 nentor 2023. Shkresen qe e keni të gjithë ku janë përshkru edhe neni edhe paragrafi ku na obligon ne si komunë me përcaktu normen tatimore. Po ashtu në KPF e kam shpjegu dhe arsytu lëvizjen e normave tatimore për vitin 2024. Paraprakisht para se të futet në rend dite propozimi i asamblesiteve po ju shpjegoj çfarë veprime kemi marr dhe impakti ekonomikë që kanë qytetarët qoftë persona fizik apo juridik. Në tabelen që e kemi bashkangjitë e keni pa që ka pas ndryshim të normave dhe krysishtë në parcelat e objekteve në parcelat rezidenciale. Ndërsa parcelat bujqësore fatkeqsishtë nga viti 2024 fillojnë të tatimohen me plotësim/ndryshimi me ligjin që ka qenë. Secili person që ka tokë bujqësore ose i figuron në kadaster, deri këtë vitë kanë qenë të lirume, ndërsa prej vitit të ardhshem kanë me u tatimu. Kam qenë kundër vazhdimishtë që mos të tatimohen tokat bujqësore për arsye se ka edhe probleme të tjera të trashëgimisë në bartjen e pronarit faktik. Për njësitë rezidenciale unë i kam bo edhe dy kalkulime po ju shpejgoj se ne prej 0.15% e kemi ulë normen në 0.10%. Në tabelen që e kam bo sot e kam marr shembullë një parcelë në qytet që ka afer 30 mijë euro vlerë që është pjesa e qendres dhe pjesë kryesore e qytetit si Dardania, Sahat Kulla, Haxhi Zeka dhe shumë zona urbane të tjera diku rreth 30 mijë euro ari është vlersu, me normen sa ka qenë 0.15% një personi fizikë i kish ra me pagu tatim 225 euro për parcelë, nëse e kishim lën normen 0.15% vitin e ardhshem i kish ra me pagu 225 euro për parcelë 5 ari vend po flas për hapsiren rezidenciale. Me rastin kur ne e kemi bë propozimin që kjo normë të ulet në 0.10% ky person fizikë me 5 ari vend do t'i paguan 150 euro 75 euro me pak. Përveq kësaj plotësim/ndryshimi i ligjit e ka parapa që secili person përfiton deri në 30 mijë euro në banimin primar. Po e supozojmë që një person ka vlerë 50 mijë euro vlerë pronës ose banesës tij, me automatizem deri në 30 mijë euro fiton zbritje në banimin primar. Këtë se kemi bë ne po e ka bo kuvendi, qeveria ka qenë 15 mijë euro tani është 30 mijë euro zbritje. Te parcelat komerciale që dallimi është më i madh psh një person me dy ari hapsirë një dyqan po të kishim lën koeficientin sa ka qenë 0.17 me normen aktuale ju kish ra me pagu 255 euro tatim për në prone dy ari vend për parcelë rezidenciale jo për objekt. Ndërsa me normen që e kemi propozu ne, ky person juridik përfiton 105 euro falje dhe i bjen me pagu 150 euro. Paraprakishtë i shpejgova zbritjen që e kemi mar ne, plus zbritjen qe e kemi kalkulu dhe ne e kemi kalkulu pa e mar vendimin e

gjykates. Nëse unë nuk e them të vërteten datat e dëshmojnë që materiali është nis me me datë 9 nëntor për KPF. Kemi mundësi që një personi fizik që ka edhe dyqan edhe shtëpi me ja kursy me automatizem 105 edhe 75 i bjen 180 euro për një hapsirë 5 ari vend në qytet ku jeton dhe nese ka biznes lokal me dy ari vend. Me zbritjen që e kemi ndërmarr edhe në shkresë e keni të shkruar që janë rrethanat ekonomike që e kanë caktu një gjë të tillë. Për mendimin tim falja e njëtrajtshme nuk është zgjidhje në asnjë rrethanë që po ta rris vleren dhe po ti fali 100 euro vetëm për një vjet. Mundësia është sot që ju asambleistet vendosni a duheni me mendu pak ma gjatë që këtyre pësonave vetëm sot ti heqet norma e borxhit dhe pastaj ktyre personave me ju kthy norma 0.15% dhe 0.17%, dhe një personit i bjen që vitit të ardhshem me automatizem i rritet 75 euro për 5 ari vend në qytet dhe fatura për parcela komerciale ju rritet 105 euro. Ju jeni këtu asambleistë nuk du me ju ushtru presion, mirëpo e pata obligim me ju tregu informata të sakta pa kurfar dizenformimi, prap mbetet që ju të votoni nese vendos kuvendi me me fal athere duhet me i kthy normat sa kanë qenë, e kthimi i normave sa ka qenë i bjen që qytetarët me pagu më shumë vitin 2024. Ju jap kalkulimin, tabelen dhe vlersimet e reja që kanë ardh e shihni edhe vet se kjo që po ju them është e vërtet.

Kryesusi Rexhep Kurtbogaj: meqenëse e kemi normen tatimore që duhet të votohet sot, ja jepem fjalen drejtorit për sqarim të kësaj pike të propozuar nga asamblesitet e LVV për faljen e borxheve.

Nga të gjithë anëtarët prezent 13 votë pro, 18 kundër, andaj nuk hyn si pikë e rendit të dites ky propozim.

Përveq pikave të rendit të ditës, është hy në rend dite si pikë shtesë edhe një pikë tjetër informatë për gjendjen e lëndëve djegëse në institucionet shkollore.

Unanimishtë nga të gjithë anëtarët prezent, u miratua ky rend dite, me propozimin që u dha nga kryesuesi:

## **REND DITE**

1. Pjesëmarrja në takim e anëtarëve të kuvendit dhe mungesat.
2. Pjesëmarrja publike dhe delegacionet.
3. Shqyrtimi dhe miratimi i Draft Planit të Punës së Kuvendit Komunal Pejë – 2024.
4. Shqyrtimi dhe miratimi Kalendarit të takimeve të Komitetit për Politikë e Financa dhe Kuvendit të Komunës së Pejës për vitin 2024.
5. Shqyrtimi dhe miratim të normës tatimore për tatimin në pronë në Komunën e Pejës, për vitin 2024.
6. Shqyrtimi dhe miratimi i propozimit të Kryetarit të Komunës për këmbimin e pronës së paluajjtëshme Komunale me pronën private të z. Ymer Mekaj me qëllim të realizimit të ndërtimit të Qendres së Skijimit në Bogë sipas PZHK-së.
7. Shqyrtimi i Planit të veprimit për zbatimin e rekomandimeve të dhëna nga Zyra kombetare e Auditimit për vitin 2022.
8. Informatë mbi gjendjen e lëndëve djegëse në institucionet shkollore.
9. Pytjet dhe propozimet lidhur me punën e Komunës, të ngritura nga anëtarët, në atë rënditje siç janë pranuar:
10. Çështje të ngritura në mbledhje nga udhëheqësi apo nga anëtarët e Kuvendit.

### **1.Pjesëmarrja në takim e anëtarëve të kuvendit dhe mungesat.**

Në takim munguan z. Rrustem Berisha, z. Izet Koic, z. Granit Kelmendi.

### **2.Pjesëmarrja publike dhe delegacionet.**

Nuk ka pasur.

### **3. Shqyrtimi dhe miratimi i Draft Planit të Punës së Kuvendit Komunal Pejë – 2024.**

Kryesusi Rexhep Kurtbogaj: në seancën e kaluar është mar vendim për formimin e një komisioni për Draftin e Planit të Punës për vitin 2024 dhe e kemi shqyrtuar në një punëtori me gjithë anëtarët e kuvendit. Po ashtu është mbajtur edhe një diskutim publik sipas standartit që i kemi me diskutime publike, dhe me qytetar dhe e kemi para jush draftin final të planit të punës së kuvendit për vitin 2024.

Nga të gjithë anëtarët prezent me 28 votë pro, 1 votë kundër, dhe 3 anëtar nuk kanë marr pjesë në votim, miratohet Draft Plani i Punës së Kuvendit Komunal Pejë – 2024.

#### **4. Shqyrtimi dhe miratimi Kalendarit të takimeve të Komitetit për Politikë e Financa dhe Kuvendit të Komunës së Pejës për vitin 2024.**

Kryesusi Rexhep Kurtbogaj: sipas kalendarit është parapa që KPF takimet të mbahen në mesin e muajve dhe për senacen e kuvendit komunal në fund të muajve, mirpo mund të ndodhë që sa i perket datave të ketë ndryshime të vogla.

Nga të gjithë anëtarët prezent, me 29 votë pro, kundër nuk ka, të përmbajtur nuk ka, 3 anëtar nuk kanë marr pjesë në votim miratohet Kalendari i takimeve të Komitetit për Politikë e Financa dhe Kuvendit të Komunës së Pejës për vitin 2024.

#### **5. Shqyrtimi dhe miratim të normës tatimore për tatimin në pronë në Komunën e Pejës, për vitin 2024.**

Z.Jeton Abazaj: shumicen e sqarova pak më heret sa i perket normes tatimore për vitin 2024, vetëm shumë shkurt çka përmban plotësim/ndryshimi i ligjit për vitin e ardhshëm. Pra vitin 2024 e kanë quajt si normë tranzitore pastaj në vitin 2025 fillon tatimi progresivë. Tatimi progresivë domethonë e përcakton në bazë të vleres së pronës me u tatimu të gjithë qoftë persona fizik, qoftë përsone juridik. Tatimi progresivë për mendimit tim është teper i dëmshëm dhe si i tillë godet në masë të madhe përsone që kanë biznese, po ashtu përsone që jetojnë në zonën urbane. Madje i liron disa prej përsoneve që jetojnë në fshatra të Pejës edhe pse pronat e tyre mund të jen më të mira se në qytet, lirohen komplet sepse vlersimet janë bo në bazë të kontratave. Kontratat e shitëblerjes nëpër fshatra kanë qenë 150-200 euro 1 ari . Në bazë të saj i bjen që vlerësimet nëpër fshatra janë teper të ulta dhe kush do qoftë që ka ndërto pronë në fshat i bjen që me u liru komplet prej tatimit në pronë gjë që sështë në rregullë. Ndërsa tek bizneset e rrit 300 % faturen e tatimit në pronë për vitin 2025. Kjo ka me ndiku shumë në jeten e qytetarve mirëpo nuk po mundem me vendos ndryshe sepse qeveria dhe kuvendi e ka ka votu një ligj të tillë. Po ashtu pjesen tjetër e shpjegova më lartë si obligim e kemi me voto dhe me dergu para 30 nëntorit në Ministrinë e Financave.

Z.Berat Ganiqi: është e udhës që propozesit rendit dite me ja jep fjalen që propozuesi me tregu dhe me arsyt se pse e ka jep atë propozim. Po ashtu nuk e pash prej kuvendit që ju ka shpërnda asnjërit prej asambleistëve këto kërkesa tona për rend dite prap mendoj që është shkelje . Ndërsa te falja që kemi kërku 100 euro ka qenë për shkak se Gjykata Kushtetuese e vërtetoj që nuk ka pas shkelje të ligjit por është përcaktu me ligj, ajo është në vler 100 euro se ti mundesh me i fal edhe 1 euro por deri në shumen 100 euro dhe jo më shumë. Unë, e kuptoj që komuna e Pejës nuk don me i fal kurgjo qytetarit dhe nuk don asnjë subvencion me bo, kur o puna me këmbj prona këmbjen mirëpo kur o puna te subvencionet nuk ka për qytetarët e Pejës. Ka mujt edhe kjo shumë me u fal 100 euro edhe me u bo llogaritja e kësaj normes tatimore. Sepse Jetoni nuk e

shpiki por e ka marr në ligj prej minimale deri te maximalia. Por komuna e Pejës nuk janë të interesuar me subvencionu me jep e as me i ndihmu qytetarinë si komunat e tjera, na ktu kqyrim kond me kritiku me gjat fajtorin dhe kurre mos me ja shtri doren qytetarit.

Z.Naim Bytyqi: sa i përket normave tatimore po e shoh që janë marr për bazë normat tatimore më të ulta. Shpresoj që këto norma kanë me i ndihmu shumë qytetarëve dhe bizneseve që të jen më të kapshem në aspektin e mundësive që qytetarët me mujt me i pagu këto tatime. Pagesat e rregullta normalisht që kanë ndikim në të hyrat komunale, vetëm në këtë formë mund të mbushim buxhetin e komunes, në të kundërten pagesat e larta do ti iriotinin më shumë qytetarët dhe do të tentonin mos të ju përgjigjen pozitivisht këtyre pagesave ndaj komunës për tatimin në pronë. Mirëpo sa i perket faljes së borxheve, ne si subjekt ishim pro për qytetarët që të ju falen 100 euro nga tatimi në pronë. Unë mendoj që duhet me ju fal sepse edhe qeveria edhe gjykata ka mar një vendim të tillë edhe pse thash më heret që këto pagesa rrisin buxhetin shpesh po ndodh që po keqplanifikohet buxheti por më njëzore do të ishte të shfrytëzohet për qytetaret me ju fal 100 euro tatim. Ndërsa sa i perket tatimit për tokat bujqësore vitin e kaluar kam kërku që të ulet normal tatimore në minimum për tatimin e prones, jam i lumtur që është mar parasysht që ti ulim sepse ne e kemi përgjegjësi që ti mbrojmë bujqit e rajonit të Pejës.

Kryetari Gazmend Muhaxheri: normat tatimore dhe subvenconet na dallojnë për atë jemi në parti të ndryshme politike. Për ata i takoj një partie që e ka marr obligime me qu këtë vend përpara dhe m e bo ndryshime. Kur qeveria edhe ajo e perparme edhe kjo tash ja qojnë 12 milionë Deçan, Skenderaj, Shtimë, Kamenices, ndërsa Pejës ja jepin 200 mijë euro e ky kryetar duhet me menagju me qato pare qysh duhet.

Z.Hidajete Nikçi: dua të kaloj në temen që e kemi diskutu në KPF qt ta din se sa gabime janë bë gjatë pagesave të tatimit në pronë si kur kemi raste që në sistem janë të dhënat gabim si ka ndodh me një rast për një banor në lagjen Kristal i cili nuk ka qen i ngarkuar me tagtim në pronë sepse shtëpia e tij ka qenë e pa banuar dhe rregulluar. Por njëkohësisht është ngarku me një shtëpi tjetër në fsh. Çallapek, që nuk është pronë e tij dhe qytetari i ka pagu 400 euro. Unë e kam një pyetje në raste të tilla si do veprohet a do tu kthehet pagesa gjith atyre që është bë gabimi në futjen e të dhënave në sistem?

Kryetari Gazmend Muhaxheri: kjo është punë admisinstrave njerzitë kanë probleme dhe duhet me bo ankesa në me i zgjidhë problemet në mënyrë individuale tek zyrtarët që meren me këtë punë.

Z.Labinot Panxha:unë i kam dy kritika për juve kryesus sepse Aleanca është grupi me i madhe opozitar dhe sa here kemi me u deklaruar duhet të na jepet fjala neve të parve. Ndërsa e dyta është se po më vjen mirë që po i dëgjoj prej kryetarit këto fjalë sa i perket blerjes së pronave, sespe ne jemi partia që jemi ataku më së shumti që i kemi ble tokat e tona dhe jemi akuzu që i kemi ble 3

euro ari, po me vjen mirë që kryetari e ka kuptu që prona kur del në shitje e blen kush sa don e qysh don.

Nga të gjithë anëtarët prezent me 25 votë pro, kundër nuk ka, 7 anëtarët nuk kanë marr pjesë në votim, miratohet norma tatimore për tatimin në pronë në Komunën e Pejës, për vitin 2024.

#### **6. Shqyrtimi dhe miratimi i propozimit të Kryetarit të Komunës për këmbimin e pronës së paluajtëshme Komunale me pronën private të z. Ymer Mekaj me qëllim të realizimit të ndërtimit të Qendres së Skijimit në Bogë sipas PZHK-së.**

Kryetari Gazmend Muhaxheri: para jush është një propozim, në vitin 2019 kur e kemi bo PZHK janë të përcaktuar 5 qendra të skijimit. Janë qendra e Bores, Boge, qendra në Shkrel, Koshutanë, dhe një nese nuk gaboj është parapa në Shtupeq. Për qendren në Boge kemi mar një vendim, dhe i kemi shpallë në interes publik tri parcela. Në një parcele që është në mesi ketyre parcelave e kemi qu në shpronësim e kemi vlersu pronari e ka pranë çmimin dhe ka mbet komuna me pagu. Ndërsa për pronen e dytë pasi që nuk kemi pas buxhet me kry shpronësimin, ky pronari tjetër është dakordu me çmimin prej Ministrisë dhe kemi fillu procedurat e ndimit. Është një parcel prej 10843m<sup>2</sup> në të cilën pronari kërkon me i mbet një pjesë për me mujt me ndertu diçka për veti, ne kemi pranë me ja lon 10 ari pasi që nuk na duhet komplet për qendren tonë të skijimit. Përafersishtë jemi mundu me me ja qellu vleren mos me pas shumë diferenca tash ministria meret me vlersimin e këtyre pronave komunale dhe varsishtë sa mbet diferenca ose merr buxhet komuna ose komuna duhet pronarit me ja kompenzu.

Nga të gjithë anëtarët prezent me 18 votë pro, 6 votë kundër, 8 anëtar nuk kanë marr pjesë në votim, miratohet propozimi i Kryetarit të Komunës për këmbimin e pronës së paluajtëshme Komunale me pronën private të z. Ymer Mekaj me qëllim të realizimit të ndërtimit të Qendres së Skijimit në Bogë sipas PZHK-së.

#### **7. Shqyrtimi i Planit të veprimit për zbatimin e rekomandimeve të dhëna nga Zyra kombëtare e Auditimit për vitin 2022.**

z. Jeton Abazaj: kemi mujt mos me e sjellë në kuvend mirpo për shkak të transparencës mirpo na rekomandu edhe nga USAID. Është një raport informativë të cilën e kemi raportu para Zyres Kombëtare të auditorit në fund të shtatorit qaq sa ka pas progres e mira ka qenë që nuk kemi pas shumë rekomandime si në vitin paraprak, disa prej të gjeturat fatëmirësishtë mundë të eliminohen. Ne mendojmë që e kemi arrit atë që kemi deklaruar para jush nuk ka nevoj as të votohet si raport. Pastaj detajishtë e mësojmë kur vjen Zyra e Auditorit Gjeneral dhe e bën auditimin për vitin 2023. Përdisa të gjetura jemi dakordu bashkarishtë që janë eliminu për të

tjerat mbetet prap punë për të bër me aq sa kemi mundësi dhe kompetencë dhe që mos të kemi ndeshje ligje në nivelin lokal dhe qendror.

Z.Naim Bytyqi: plani i veprimit për zbatimin e rekomandimeve të dhëna nga Zyra kombetare e Auditimit për vitin 2022, ne ketë qështje e kemi diskutu edhe më heret gjithësej janë 8 të gjetura po i përserisë dhe një herë dhe shpresoj mos të përseriten. Të gjeturat janë: dobsitë e menaxhimeve të projekteve përmes platformes E- Prokurimit, pagesa përmes vendime gjyqësore përmbarimore të cilat kemi bisedu gjatë dy vite, vonesa e përfundimit të punëve të kontraktuara, dobësinë e menaxhimit të subvencioneve, vonesa në pagese të faturave, klasifikim jo adekuat i shpenzimeve, mos rregjistrimi i pasurive dhe prezentim jo i plotë i tyre në pasqyrat financiare vjetore , dhe rritja e llogaritjeve të arketushem. Pra kërkoj nga ekzekutivi për fillimin e zbatimit të përmismit të këtyre të gjeturave dhe rekomandimeve të dhëna nga zyra e auditimit për vitin 2022.

#### **8.Informatë mbi gjendjen e furnizimit të lëndëve djegëse në institucionet shkollore.**

Kryetari Gazmend Muhaxheri: këto ditë është bër shumë zhurmë për drutë në komunën e Pejës po dojnë me u bo njerëzit më të përgjegjshëm se kryetari i Pejës për nxemjen dhe funksionimin e shkollave. Po harrojnë që ky kryetar i ka bo krejt shkollat me nxemje qendrore, të cilat i ka pas të trashëgume me stufa.Tenderin për furnizim me dru në dy lloje të ndame me pelet edhe me dru e kemi i qit me 2 Gusht, për shkak të procedurave të ndryshme hapja e ofertave është bo me 13 shtator dhe kanë marr pjesë 3 operatorë ekonomik. Njoftimi mbi vendimin e autoritetit kontraktues është bër me 5 Tetor dhe është shpallë fitues operatori FENIX sh.p.k me vlerë prej 158 mijë e 400 euro për drru. Kemi pas kërkesë për qasje në dokumente me 9 tetor, kërkesë për rishqyrtim kemi pas me 10 tetor operatori tjetër ka kerku çasje në dokumenta se pse e ka fitu ky operator. Me 24 tetor është planifiku nënshkrimi i kontrates me ketë operator, ndërsa me datë 25 tetor është dhënë njoftimi me ardh me nënshkru kontraten. Me 26 tetor operatori edhe pse e ka fitu tenderin nuk ka ardh me nënshkru kontraten. Me 2 nëntor ju është bër konfiskimi i sigurimit ndërsa me 8 nëntor ju është bër inicim për padi në gjykatë nga avokatja e komunës dhe me 17 nëntor ju është konfisku sigurimi i tenderit dhe është ngrit padia në Gjykatën Komerciale në Prishtinë me dt.20.11.2023. Furnizimi me dru është ritenderu me 9 nëntor 2023 dhe hapja është me 27 11.2023.

Z. Drin Veselaj: meqenëse jemi si parashtresë të kësaj kërkesa për informatë të lëndëve djegëse nëpër shkolla dhe çerdhe. Unë mendoj që të gjitha këto procedura që kryetari i tregoj janë procedura shumë të vonuara. Kjo procedurë kish duftë me ndodh në kushte normale në pranverë në mënyrë që tash mos me pas problem, se jemi në muajin dhjetor duke hy dhe shkollat nuk kanë ende drru. Unë e kuptoj prapaganden që thuani se tash kta opozitë po bëjnë politike me kto çështje, por secili prej neve jemi prind dhe fëmijet e tanë nuk kanë nxemje nëpër

shkolla dhe kjo nuk ka të bëjë kurgjo me parti. Po ashtu është për keqardhje kur ne jemi duke diskutu sot këtu dhe drejtori i arsimit nuk është prezent.

Z.Berat Ganiqi: sot, prita prej drejtorit arsimit që ka me dal dhe ka me na jep një pasqyrë se ku ka mungesë të ngrohjes! Sot në vitin 2023 fëmijet duhet të shkojnë në shkollë dhe mu përball me të ftohtin dhe mos me i pas kushtet minimale për me i vijë mësimet. Po ashtu është e quditëshme se si operatori ka dështu, ka dështu sepse lëndët djegëse janë më shtrejt dhe vjen tjetri e fiton me një çmim pak më të shtrejt sepse drut janë më lirë në qershor e më shtrejtë në dhejtor. Mos reagimi këshillit të prindëve është e quditëshme vetem kur e shoh që kryetar i këshillit është një kryetare e nën deges të Forumit të Gruas pikërisht e partisë tuaj normal që nuk reagon nese është ajo akoma. Të gjitha këto na detyrojnë me dyshu që diqka ka ndodh sepse sot nuk kemi ardh me poletizu si çështje por sot jemi ardh me gjet një zgjidhje se qysh dojmë me ja bo që fëmijet me pas ngrohje. Për dytin vitë radhazi ka dështim vjetë për mos mirëmbajtjen e kalldajës dhe sivjet për mungesën e lëndëve djegëse, vetem tek në Komunën e Pejës ndodh kjo që të gjitha shkollat e kanë reduktu 5 minuta oren mësimore, komuna i siguron lëndet djegëse nuk i siguron bordi .

Kryetari Gazmend Muhaxheri: unë i shpjegova procedurat se qysh kanë qenë përmende një shkollë që nuk ka ngrohje përveq shkolles “Azdreni” që është duke u renovu me fondin e ofiqencës që e ka qeveria. Secila shkollë i kah kah 10 metra ose 15 metra dru për me dhez ngrohjen, na vjet ju kemi shpërnda seciles shkollë gjejeni një shkollë që sot nuk ka drru me dhez stufen? Kollaj o me poletizu mirpo asnjë shkollë nuk mundet me thonë që ska dru.

Z.Labinot Panxha: unë qysh e kisha identifiku një keqmenaxhim të një situate të tillë, kryetarit ja kishin shkru proceduren përafersishtë si në detaje, se Ligji i Prokurimit publik po i parasheh qato kryetar. Mirëpo për me zgjedh këtë situatë e mos me ardh deri qaty që na me të kritikju është dasht me i shiku kontratat se a i ki realizu 70 %. Tash se pse ka ardh deri te ajo që ai zotria është tërheq, momentin që terhiqet dikush prej një tenderi që e fiton aty lindin dyshimet se për çka? Tenderin gjithmonë e fiton ofortuesi që e ka çmimin më të lirë dhe i cili është i përgjegjshem me dokumentacion i cili ai e ka prezentu gjatë konkurimit. Në fund të fundit unë po mendoj që ata fëmijë kanë pas ftoftë dhe po ashtu pajtohem me parafolësit e mi se nuk është qëllimi që juve me ju akuzu, por qëllimi është që nxënësit me pas ngrohje nëpër shkolla.

Znj.Mubera Belegu: kryetar edhe shkolla e mesme “Rifat Gjota” ku e kam edhe vajzen, javen e kaluar më ka informu vajza që kryetarët e klasave ja kanë dërgu ushtruesit të detyres kërkesen që nëse nuk do të kemi nxemje këtë jave ata nuk do të mbajnë mësim.

Kryetari Gazmend Muhaxheri: po filloj me juve znj.Mubera, si të kryehet seanca shkojmë me makinë dhe e shohim që në oborr të shkolles janë gati 40 metra dru që kanë mbet prej vjetshit.

Z.Mentor Bajri: në shkollën ku jam unë dru ka prej vitit të kaluar janë, kanë ardh prap të rejt aty spo perdoren, spo shoh ndonjë problem ktu që ish. dasht me diskutu. Problemi është nëpër shkolla se duhet të gjithë mësuesit , bordi me u angazhu me zgjedh problemin brenda shkolles.

Z.Naim Bytyqi: kjo çështje ndahet ne dy pjese se kryetari thotë qe ka, diku ka se qetash janë ardh pak por me datë 14 tetor e kemi vizitu shkollën në Raushq nuk ka pas asnjë dru. Po ashtu një rast në fshatin Poqestë në shkollë qytetarët kanë ble vet nxemje e ju kanë dërgu në klasa ku i kanë fëmijët, gjë për të cilën e ka për detyrë komuna me i siguru drutë.

Z.Feriz Gashi: në këtë prag dimer shkollat e komunës tonë po përballen me mungesën e lëndëve djegëse, dhe si rezultat i kësaj disa shkolla kanë punuar me orar të reduktuar. Qendrimi i nxënësve në mjedisë të ftohtë ndikon jo vetëm në cilësinë e arsimit por edhe në shëndetin e tyre, shumë e rëndësishme është që autoritetet komunale të i sigurojnë kushtet më të mira për nxënësit. Ekspozimi i temperaturave të ulta mund të shkaktojë probleme shumë të rënda shëndetsore. Andaj kërkohet me sinjeritetin më të madh që drejtorja e arsimit të bëjë zgjidhje sa më të shpejt, për të siguruar një mjedisë sa më të ngrohtë për gjithë komunitetin shkollor.

Z.Drin Veselaj: në shkollën “ Rifat Gjota” me datë 24 tetor kanë ardh disa kamion i kanë shkarku drut, pyetja ime është a ka pas dru 40 metra apo i keni pru me date 24 në ora 07:30?

Kryetari Gazmend Muhaxheri: Kanë qenë 40 metra në oborr të shkolles drut të vjetshit dhe kanë mujt me i dhez e mu ngroh.

Z.Islam Husaj: po duhet me reagu që seanca nuk po shkon si duhet i kemi pikat e rendit të dites dhe duhet të ju përmbahemi atyre pikave. Nuk kemi nevoj me na spjegu askush as rregulla e as ligje, sepse disa prej neve i dim e disa i mësojmë.Nuk kemi nevojë me na i mësu askush Unë, nga kjo që u diskutu tash përveq procedurës që e shpjegoj kryetari asgjë nuk kuptova tjetër. Kur paraqitet një pikë e rendit të dites me hy në kuvend, duhet propozuesi me sjellë me material dhe me bo një prezentim se çka po kërkohet në atë pikë. Kjo po tregon me veprimet e juaja me diskutimet e juaja po mundoheni me bo politikë që nuk po ecë, nuk e keni gjet mënyrën. Nese ti nuk ke shku në shkolla vet me pa,. mos u nis me fjalët se kush qka të thotë e prezenton në kuvend kjo është jo seriozitet. Ju lutem përmbajuni rendit të dites edhe temës për cilën po diskutojmë sespe jemi kuvend.

Znj.Eleonora Bala: dr.Islam sa i perket nxemjes,unë punoj në Dardani dhe ditëve të fundit kanë ardh shumë prind me fëmijë të ftofur dhe si arsye e kanë tregu mos nxehja nëpër shkolla.Nuk janë fjalë të fëmijve por të prindëve, kanë thënë që disa ditë i kanë sjellë pak dru me u ngroh mirpo prap nuk ka dru të mjaftushme për ngrohje.

Znj.Hidajete Nikçi: ne të cilët kemi qenë prezent nëpër shkolla e dim më së miri këtë situatë. Gjendja nuk ka qenë e mirë nëpër shkolla kemi punu në të ftoftë dhe nuk ka qenë zgjidhje shkurtimi i orës për 5 minuta. Po ashtu te shkolla "Rifat Gjota" përpos mungesa e ngrohjen problem tjetër është edhe tek kalldaja si vitin e kaluar por edhe tash. Ju keni qenë për vizitë në shkollën "Azdreni" dhe e keni pa që ka qenë shumë ftoftë, nuk ka punu kalldaja e ken i pa edhe vet dhe e keni pa gjendjen e druve se çfare është sespe me atë dru krejt ujë një shkollë nuk mundet me u ngroh.

Unë, po kërkoj që të meren masa ndaj këtyre dhe të zgjidhen këto probleme sepse nuk është zgjidhje shkurtimi i orarit mësimor.

Z.Islam Husaj: doktoreshë, a jeni shku me vizitu shkollën?

Znj. Eleonora Bala: jo por prindët kanë tregu

Z.Islam Husaj: athere ju po flisni me fjalë të tjerve thashetheme, je dasht me shku dhe me vërtetu.

Z.Drin Veselaj: doktor, nuk po flasim me fjalë të kafeve por janë ktu edhe profesorat e nderum si znj.Hidajete, z. Feriz që po tregojnë, unë po foli për shkollat që i kemi vizitu nuk ka pas dru, mundet me me pas sot mirpo jemi duke folur për javen e kalur kur nxënësit nuk kanë pas nxemje.

Znj.Eleonora Bala: nuk ju besojmë fëmijve gjithmonë sespe shpesh here dinë me gënjy, mirpo prindërit nuk besoj që kanë arsye për të gënjyer.

Z.Nezir Jahmurataj: unë mendoj që këshilli i prindërve është dasht me reagu sespe këshillat për këtë punë janë për problemet e nxënësve dhe problemet e shkolles e nxemjes e krejt. Kryetar ju thatë që gjitha shkollat i kom furnizu me nxemje qendrore, por në Lybeniq jo 400 m<sup>2</sup> i ka 4 stufa dhe dru jo të mira .

Z.Islam Husaj: besoni që kanihere po më vjen keq prej kuvendit, sepse ne nuk jemi ardh ktu me bisedu lidhje e pa lidhje sespe paraprakisht caktohet rendi i dites. Në qoftëse kërkesa është bë javen e kaluar me hy në rend dite dhe drut paskan ardh me datë 24, unë po të kisha prezentu atë kërkesë sot do ta terhiqja. Mirpo kjo e vërteton edhe njëher që çështja është pak politikë dhe me ju tregu popullates që ne interesohemi shumë për juve, Unë, jam anëtar i kuvendit që 25 vite dhe e dim shumë mirë se kush interesohet për kuvend, shkolla, për të sëmur dhe për krejt.

Znj.Hidajete Krasniqi: po më çudit doktori që po i duket jo e logjikshme me u diskutu kaq shumë kjo pyetje për dru nëpër shkolla, kur është në pyetje për fëmijë. Nuk është humbje kohe dhe as

nuk po bëjmë politike që po diskutojmë për një çështje shumë të rëndësishme për nxemje nëpër shkolla për fëmijë.

Z. Islam Husaj: që nga fillimi i diskutimit unë nuk kuptova asgjë përveç procedurës që e shpjegoi kryetari. Nuk pash asnjë prezentim, asnjë material dhe asnjë argument sepse edhe unë votova me hy në rend dite këtë pikë, sepse edhe unë e dija që është e rëndësishme kjo pikë me diskutu. Por me diskutu me argumente e me fakte e jo me fjalë dhe më shpejtu mu se sa është e rëndësishme me j'u siguru drut fëmijëve. Unë e di sa është e rëndësishme sepse edhe unë kam fëmijë e nipa nëpër shkolla, mirpo qka po diskutojmë këtu është jo serioze. Sepse edhe unë jam idhëtar i asaj se secilin gabim që e bë qeveria komunale me ngrit dhe me diskutu, por vetëm me fakte dhe me argumente.

Z. Labinot Panxha: është një pikë që e kemi propozu dhe po e diskutojm, të dhe kryesusi në këtë rast nuk ka bërë shkelje të rregullores dhe as Ligjit për Vetqeverisje Lokale, thjeshtë propozimin tonë e qiti u votu u diskutu dhe jemi shumë në rregullë. Po ashtu me na thonë doktor mos përmendni ligje këtu, unë i përmendi se qeto i di sepse jam juristë sepse unë shiringa nuk të përmendi sepse ju i dini më mirë. Ndërsa tjetra Ligji për Vetqeverisje Lokale, Statuti i kuvendit, dhe i komunës, Rregullorja e punës, na sheh të gjithëve të barabartë asnjërin as më shumë e as më pak nuk ka të drejta në këtë kuvend. Unë, po mendoj që të gjithë ju që jeni pjesë e pozitës këtë pjesë duhet me ja lënë ekzekutivit sepse këta janë që duhet me i krye këto punë. Ndërsa ne jemi këtë pjesë që me anë të kritikave po mundohemi me rregullu diçka, sepse ju jepni përgjigjësi edhe nëse nuk ka ngrohje dhe gjitha problemet tjerë.

Z. Berat Ganiqi: jam dakord që me u ngrit niveli i kuvendit dhe po ashtu jam dakord që kur njëri e mer fjalën mos me ndërhy tjetri dhe mos me lshu fjalën, por jam edhe dakord me i ndal ofendimet. Sepse prej fillimit të seances ka fillu me ofendime pa ja pas kujt me borgj me na ofendu. Ne e kemi kërku në rend dites një informatë nga kryetari dhe drejtori i DKA-së, informatën nuk e përpilojmë na po e përpilon drejtori me kryetarin.

Çdo faktë që e kam sjellë këtu ka qenë i hulumtum, dhe ka pas mungesë ngrohje dhe kam mar informatën prej një prindi por nuk e përmenda sepse në kopshtë te premtën deri në orën 11 ka qenë e ndezur kalldaja, por nuk e përmenda perderisa nuk e kam verifiku si faktë. Por sot mua po më intereson që kur ka me u kthyer msimi në normalitet, dhe me pas ngrohje normale vetëm kjo po më intereson për fëmijë?

Kryetari Gazmend Muhaxheri: unë ju tregova që procedurat i kemi nis dhe me datë të saktë, dhe shkollat që janë me pelet dhe me naftë funksionojnë të gjitha, ndërsa disa që janë me dru që po kemi problem dhe ato i zgjidhim problemin.

**9.Pytjet dhe propozimet lidhur me puënën e Komunës, të ngritura nga anëtarët, në atë rënditje siç jan pranuar:**

Nuk ka pasur.

**10. Çështje të ngritura në mbledhje nga udhëheqësi apo nga anëtarët e Kuvendit.**

Z.Nezir Jahmurataj: pardje prej erërave të forta Bashksia Lokale e Raushiqit në fshatrat. Loxhë, Lybeniq dhe Raushiq nuk ka pas rrymë 30 orë. Kisha kërkua nga kryetari që të ndikoj edhe te KEDS që rrejtj dalja te Loxha trafa e statcionit më të madhë të rregullojnë sepse janë duke vuajtur popullata e Bashkësisë Lokale. Kërkesa tjetër është nga një qytetar për rregullimin e gropave kah restorant “Era” në rrugen “Ndue Berisha” të bëhet rregullimi i gropave.

Z.Drin Veselaj: deshta një çështje me ngrit për drejtorin e shërbimeve publike për vendosjen e pengesave në rrugë dhe është shumë me urgjencë të madhe sidomos afer shkollave sepse është shumë rrezik me i shkel dikush fëmijtë.

Znj.Eleonora Bala: një pyetje për drejtorinë e shëndetësisë, ku asgjësohen mbetjet klinike të shërbimit primar?

Z.Feriz Gashi :një pyetje për drejtorinë stafi i QMF-së i Vitomerices është duke punuar në kushte të mjerushem, pyetja ime është se kur do të kalojnë në objektin e ri ?

Z.Berat Ganiqi: një kërkesë për drejtorinë e arsimit kam marr shqetësim prej njërit prej prindëve janë të komitetit boshnjakë që fëmijet e tyre dhe nuk po mundën me dal në pushim meqensëse po rrezikohen nga disa grupe. Unë, e di që qështja e sigurisë nuk është qështje e shkolles mirpo brenda oborrit të shkolles me qenë të sigurt, dhe kisha dashtë drejtor me ju siguru një mbështetje më e madhe këtyre fëmijve dhe ti vijojnë mësimet normal si të gjithë të tjerët.

Z.Labinot Panxha: e pash që shetitorja është shemb dhe kërkoi prej drejtorit të mirren masa dhe të rregullojnë sepse paraqet shumë rrezik për qytetarët që e frekuentojnë.

Z.Naser Gega: te kjo çështje Berat kisha dashtë me diskutu para takimit dhe jo këtu sespe po ngritet një qështje e pa qenë dhe kjo qështje ka ndodhë kur unë kam qenë në spital. Jam i informuar edhe unë për rastin dhe më kanë thirr edhe mu mirpo rasti nuk ka ndodh në shkollë por te “Delta” dhe nuk është përgjegjësi e shkolles se çka ndodhë jashta saj. Është konfliktë i nxitur dhe i shpikur nga të rriturit dhe jo nga fëmijet sepse fëmijet janë të gjithë të barabartë.

Kryetari Gazmend Muhaxheri: për KEDSIN tash është ndërmarre private po duhet me dërgu shkresë për një shtyllë me largu komuna e lemo diçka tjetër. Te rruga restorantë “Era” besoj që vitin tjetër ato gropat e mëdhaja heken dhe rregullohen, por duhet me zgjidhë problemin e kanalizimet pastaj me i rregullu edhe ato grupa.

Z.Petrit Loci: Mbetjet mjeksore asgjësohen është një firmë e kontraktuar që i pranon në bazë të kërkesave tona që i drejtojmë dhe i dërgon për të asgjësuar. Asgjësimi bëhet edhe në formë të kontrolluar nga inspektoriati i Ministrisë dhe në momentin që kontrollohen i dërgojmë tek firma përkatëse. Besoj që në vitin 2024 do të kryhet projekti i shendetësisë me Gizin gjermani dhe do të bëhet një qender e vetme për gjitha nivelet e shendetësisë ku do të dërgojnë mjetet e tyre, nuk kemi pas asnjë here problem gjithqka, konzervohet, deponohet dhe pastaj asgjësohet. Ndërsa sa i përket pyetjes tjetër QMF në Vitomericë së shpejti do të hapet qendra e re dhe do të kalojnë në objektin e ri që mendoj që është objekt më modern në nivel të vendit.

Meqë u shqyrtuan të gjitha pikat e rendit të ditës e propozime tjera nuk ka pasur, kryesuesi z. Rexhep Kurtbogaj e shpalli të mbyllur këtë takim të kuvendit, në orën 13:40 h.

Video incizimi i këtij takimi të Kuvendit të Komunës së Pejës në kanalin zyrtarë në Youtube.

Kliko: [https://www.youtube.com/watch?v=P5GYJTS\\_MF4](https://www.youtube.com/watch?v=P5GYJTS_MF4)

Procesmbajtësja,  
znj. Donjeta Morina



KRYESUES I KUVENDIT,  
z. Rexhep Kurtbogaj

